

**VENDIM**  
**Nr.34, date 7.1.1999**  
**PËR DREJTORINË E SHËRBIMEVE QEVERTARE DHE TRAJTIMIN E**  
**PERSONALITETEVE TË LARTA<sup>1</sup>**

*(ndryshuar me VKM nr. 678, datë 15.12.2000; nr. 399, datë 22.8.2002; nr. 411, datë 11.7.2007;  
nr. 5, datë 14.1.2012; nr. 463, datë 27.5.2015; nr. 620, datë 1.11.2017; nr. 768, datë  
26.12.2018)*

*(i përditësuar)*

Në mbështetje të nenit 100, të Kushtetutës së Republikës së Shqipërisë, me propozimin e zëvendëskryeministrit dhe ministër i Koordinimit Qeveritar, Këshilli i Ministrave

**VENDOSI:**

- 1. Drejtoria e Shërbimeve Qeveritare është person juridik në varësi të Kryeministrit. Ajo e zhvillon veprimtarinë e saj në përputhje me ligjin për ndërmarrjet. Drejtoria e Shërbimeve Qeveritare financohet nga të ardhurat e siguruara nga veprimtaria e saj dhe nga buxheti i shtetit.*
- 2. Detyrat kryesore të Drejtorisë së Shërbimeve Qeveritare janë:*
  - a) kryen shërbime qeveritare të pritjes së delegacioneve të huaja, të personaliteteve të larta, të miqve e dashamirësve të vendit tonë etj., të cilët vijnë të ftuar nga Presidenti i Republikës, Kryetari i Kuvendit, Kryeministri dhe Këshilli i Ministrave.*
  - b) trajton me kushte banimi e ushqimi delegacionet e rangjeve të larta, që vijnë në ministri e institucione qendrore.*
  - c) trajton e plotëson nevojat jetësore të personaliteteve të larta shtetërore të përcaktuara në këtë vendim.*
  - d) plotëson kushtet e nevojshme për organizimin dhe zhvillimin e veprimtarisë shtetërore, si të mbledhjeve, konferencave, seminareve, veprimtarive ndërkombëtare etj., që kryhen në mjediset e Drejtorisë së Shërbimeve Qeveritare.*
  - e) në përputhje me aktet ligjore në fuqi ajo kryen aktivitete tregtar siç është: dhënia me qira e vilave, objekteve që ka në administrim, si dhe kryen veprimtari ekonomike të turizmit e të shërbimeve hotelieri për persona fizike e juridike vendas e të huaj. Për nevoja të veçanta në rrethet ku nuk disponon rezidenca apo vila, Drejtoria e Shërbimeve Qeveritare mund të marrë objekte me qira nga subjekte shtetërore apo private, vendas apo të huaj.*
  - ë) Ofron shërbime si agjenci udhëtimesh, për shitjen e biletave në fushën e transportit ajror dhe rezervimin e akomodimin në hotelieri jashtë vendit, për institucionet e larta shtetërore, Kryeministrinë e ministritë e linjës dhe, me kërkesë të tyre, për Presidencën dhe Kuvendin e Shqipërisë.*

---

<sup>1</sup> VKM nr. 34, datë 7.1.1999 është botuar në Fletoren Zyrtare Ekstra.

VKM nr. 678, datë 15.12.2000 është botuar në Fletoren Zyrtare nr. 48, dhjetor 2000.

VKM nr. 399, datë 22.8.2002 është botuar në Fletoren Zyrtare nr. 51, gusht 2002.

VKM nr. 411, datë 11.7.2007 është botuar në Fletoren Zyrtare nr. 94, datë 26 korrik 2007.

VKM nr. 5, datë 14.1.2012 është botuar në Fletoren Zyrtare nr. 1, datë 7 janar 2011.

VKM nr. 463, datë 27.5.2015 është botuar në Fletoren Zyrtare nr. 94, datë 9 qershor 2015.

VKM nr. 620, datë 1.11.2017 është botuar në Fletoren Zyrtare nr. 193, nëntor 2017.

VKM nr. 768, datë 26.12.2018 është botuar në Fletoren Zyrtare nr. 192, datë 7 janar 2019.

f) në objektet e saj, ku ka organizuar restorante, trajton kundrejt pagesës edhe anëtarët e Këshillit të Ministrave, deputetët e Kuvendit dhe titullarët e institucioneve të tjera qendrore. Rregullat e caktimit të çmimeve miratohen nga Drejtoria e Shërbimeve Qeveritare.

g) kryen veprimtari shitblerjeje, veprimtari prodhimi me porosi, riparim shërbime, shërbime me taksi dhe veprimtari të tjera të kësaj natyre në përputhje me dispozitat ligjore në fuqi.

i) ofrimin e shërbimeve të përgjithshme, në Kryeministri. Shpenzimet për këtë shërbim përballohen nga buxheti i shtetit.

*Drejtoria e Shërbimeve Qeveritare mund t'i kërkojë, pjesërisht apo tërësisht, ofrimi/transferimi i këtyre shërbimeve të përgjithshme edhe nga institucionet më të larta të shtetit, si Presidenca apo Kuvendi i Shqipërisë. Shpenzimet për shërbimet e ofruara përballohen nga buxheti i shtetit.*

j) Organizimin e eventeve, si dhe të aktiviteteve ceremoniale, publike dhe jopublike, sipas kërkesës, duke trajtuar me përparësi nevojat e Presidentit të Republikës, Kryetarit të Kuvendit dhe Kryeministrit. Shpenzimet për këto evente përballohen nga buxheti i vetë institucioneve.

3. Shpenzimet e përcaktuara në piken 2, shkronjat “a”, “b” dhe “ë” të këtij vendimi, përballohen nga institucionet përkatëse.

4. Rezidencat qeveritare, vila dhe objektet e tjera në administrim të Drejtorisë së Shërbimeve Qeveritare caktohen me vendim të Këshillit të Ministrave. Ndryshimi i emërimit nga rezidenca qeveritare në vila e anasjelltas, si dhe kalimi i tyre në administrim të bashkive e të këshillave të rretheve, bëhet me urdhër të Kryeministrit.

5. Drejtoria e Shërbimeve Qeveritare, kur është e nevojshme mund të përdorë për veprimtarinë e mësipërme edhe nga objektet, që janë të klasifikuara rezidenca qeveritare.

6. Për kryerjen e riparimeve, rikonstruksioneve, mobilimin dhe pajisjen e rezidencave, vilave dhe objekteve të tjera, veç fondeve të planifikuara nga buxheti i shtetit, Drejtoria e Shërbimeve Qeveritare mund të bashkëpunojë edhe me persona juridike e fizike vendas e të huaj, në përputhje me dispozitat ligjore. Ky bashkëpunim mund të shtrihet edhe për zhvillimin dhe zgjerimin e veprimtarisë së Drejtorisë së Shërbimeve Qeveritare, si dhe për përdorimin më me efektivitet të pasurisë që administrojnë.

7. Drejtoria e Shërbimeve Qeveritare kryen shërbime kundrejt pagesës për pritjet zyrtare e jozyrtare, dreka e darka që jepen në objektet e saj sipas kërkesës së bërë. Shpenzimet e kryera përballohen nga institucionet përkatëse.

8. Pritjet e të gjitha kategorive bëhen me autorizim me shkrim të titullarit të organit, që e ka në kompetencë dhe vërtetohen nga persona zyrtarë të autorizuar prej tij, të cilët përcaktojnë e përgjigjen për kategorinë e delegacionit dhe kuotën e trajtimit të tyre.

9. Tarifat minimale për vilat e objektet, që jepen me qira nga Drejtoria e Shërbimeve Qeveritare, miratohen nga Këshilli i Ministrave, kurse vetë Drejtoria, në vartësi nga kërkesa e oferta, mund t'i rritë ato pa asnjë kufizim.

10. Tarifat e fjetjes dhe rregullat për caktimin e çmimeve në valutë e në lekë të mallrave e të artikujve të veprimtarisë tregtare të shitblerjes e të turizmit dhe marzhet sipas llojeve të prodhimit e të tregtimit, të shërbimeve qeveritare etj., miratohen nga Drejtoria e Shërbimeve Qeveritare.

11. Presidenti i Republikës, Kryeministri, Kryetari i Kuvendit dhe familjet e tyre, trajtohen sipas përkatësisë nga Drejtoria e Shërbimeve Qeveritare, institucionet përkatëse dhe Klinika Qeveritare për kushtet jetësore të banimit, pushimit, furnizimit me artikuj ushqimorë e industriale, shërbimit mjekësor dhe personel shërbimi etj., si në rastin kur banojnë në rezidenca

qeveritare ashtu dhe kur ata banojnë në apartamentet e tyre. Trajtimi me ushqime të bëhet me kosto, duke iu llogaritur në pagesë vetëm vleftën e lëndës së parë.

*Këtë trajtim e përfitojnë Presidenti i Republikës dhe Kryeministri, për periudhën nga dita e emërimit deri në fillimin e detyrës.*

12. Personaliteteve të mësipërm, iu vihet në përdorim për banim nga një rezidencë, në administrimin e Drejtorisë së Shërbimeve Qeveritare, i pajisur në mobilje dhe inventar përkatës, në përputhje me mjediset e banesës.

Kur personalitetet e lartpërmendura banojnë në apartamentet e tyre Drejtoria e Shërbimeve Qeveritare pajis me mobilje dhe inventarin përkatës vetëm dhomën e pritjes dhe atë të punës, të cilat mbeten si inventar i kësaj Drejtorie.

13. Për Presidentin e Republikës, Kryetarin e Kuvendit dhe Kryeministrin, Drejtoria e Shërbimeve Qeveritare përballon këto shpenzime:

a) për mirëmbajtjen e rezidencave qeveritare dhe mjediseve të tjera rrethuese, për kompletimin me mobilje e orendi, pajisje e mirëmbajtjen e tyre, kur banojnë në rezidencat qeveritare, të parashikuara në pikën 13 të këtij vendimi.

b) për mbajtjen e personelit të nevojshëm të shërbimit për secilin personalitet sipas lidhjes nr.1 bashkëngjitur, si kur banojnë në rezidencat qeveritare ashtu dhe kur personalitetet banojnë në apartamentet e tyre.

c) për qira, ujë, energji elektrike e ngrohje, në rezidencat qeveritare.

d) *Shfuqizuar.*

14. Presidentit të Republikës, Kryetarit të Kuvendit, Kryeministrit dhe familjeve të tyre në kohën e pushimit, iu vihet në dispozicion nga një apartament në rezidencat që administrojnë Drejtoria e Shërbimeve Qeveritare në qendrat e pushimit.

Shpenzimet për qira, ujë, energji elektrike, ngrohje, lidhje telefonike etj., përballohen nga Drejtoria e Shërbimeve Qeveritare, ndërsa shpenzimet për ushqimin përballohen sipas kriterëve të përcaktuara në pikën 12 të këtij vendimi.

15. Ish-Presidentit të Republikës për një periudhë 4-vjeçare nga mbarimi mandatis, ish-Kryeministrit dhe ish-Kryetarit të Kuvendit për një periudhë 2-vjeçare nga mbarimi i mandatis, zëvendëskryeministrit dhe nënkryetarëve të Kuvendit, për kohën e pushimit iu vihet në dispozicion sipas mundësive, apartament në rezidencat dhe vilat që administrojnë Drejtoria e Shërbimeve Qeveritare, kundrejt tarifave të caktuara nga kjo drejtori.

*DSHQ-ja u vë në dispozicion mjedise pune ish-presidentëve, pa pagesë. Ajo mbulon shpenzimet për shërbime sekretarie, pastrimi dhe mirëmbajtjeje mjedisi, shpenzimet për energji elektrike, ujë, telefoni fikse (përfshirë dhe internet), në masën sipas tabelës nr. 1 bashkëlidhur këtij vendimi.*

16. Shpenzimet që kryhen nga Presidenti i Republikës, Kryetari i Kuvendit, Kryeministri, zëvendëskryeministri dhe nënkryetarët e Kuvendit për evente dhe aktivitete ceremoniale, pritje, dreka e darka zyrtare, që jepen nga këto personalitete, si dhe shpenzimet për kafe, që bëhen nga Presidenti i Republikës, Kryetari i Kuvendit dhe Kryeministri, përballohen nga fondet e vetë institucioneve që përfaqësojnë autoritetet e lartpërmendura.

17. Për kryerjen në kohë e me cilësi të të gjithë veprimtarisë së përcaktuar në këtë vendim, Drejtoria e Shërbimeve Qeveritare lejohet të blejë mallra dhe të kryejë shërbime me cilësi të lartë në tregun e brendshëm e të jashtëm, me procedurën “Prokurim i drejtpërdrejtë”, përjashtoj këtu investimet, ndërsa për nevojat të domosdoshme lejohet të kryejë pagesa me lekë në dorë, deri në 200 000 lekë në ditë.

*17/1. Shkronja "c" e pikës 4, të vendimit nr. 335, datë 23.6.2000, të Këshillit të Ministrave "Për rregullat e prokurimit publik", shfuqizohet.*

18. Për artikujt ushqimore dhe industriale, Drejtoria e Shërbimeve Qeveritare të furnizohet me përparësi, kundrejt pagesës, nga Drejtoria e Përgjithshme e Rezervave të Shtetit, në përputhje me vendimin e Këshillit të Ministrave nr. 286, datë 30.5.1994 "Për administrimin e sendeve, që kalojnë në dobi të shtetit, nga kundërvajtjet administrative".

19. Ngarkohet Drejtoria e Shërbimeve Qeveritare të hartojë rregulloren e brendshme, e cila miratohet nga këshilli i saj drejtues.

20. Vendimi i Këshillit të Ministrave nr. 361, datë 21.9.1991 "Për Drejtorinë e Shërbimeve Qeveritare", pikat 1,2,3,4 dhe 5 të vendimit të Këshillit të Ministrave nr. 404, datë 24.10.1991, vendimi nr.485, datë 29.7.1996, vendimi i Këshillit të Ministrave nr. 16, datë 8.10.1996, shfuqizohen.

Ky vendim hyn në fuqi menjëherë.

**KRYEMINISTRI**  
**Pandeli Majko**

Lidhja nr. 1

#### **LISTA E PERSONELIT TË SHËRBIMIT**

I. Për Presidentin e Republikës

1. Kuzhinierë nr. i punonjësve 1

2. Kameriere 1

3. Punëtor pastrimi 1

"II. Për Kryeministrin

1. Kuzhinierë nr. i punonjësve 1

2. Punëtor pastrimi 1

III. Kryetarin e Kuvendit

1. Kuzhinierë nr. i punonjësve 1

2. Punëtor pastrimi 1

Shënim: Personeli tjetër teknik sigurohet sipas nevojave nga Drejtoria e Shërbimeve Qeveritare  
Lista nr.1

#### **REZIDENCAT QEVERTARE, VILAT DHE OBJEKTET E TJERA NË ADMINISTRIM TË SHËRBIMEVE QEVERTARE**

I. Për rrethin e Tiranës

1. Pallati i Brigadave me të gjitha anekset e territorin përreth.

2. Shtëpia e Pritjes nr. 4 me gjithë territorin përreth

3. Objekti nr. 5 me gjithë territorin përreth.

4. Pallati i Kongreseve me gjithë territorin përreth.

5. Vila nr. 30 me gjithë territorin përreth.

6. Vila nr. 31 me të gjitha anekset e territorin përreth.

7. Bar Restorant "Tirana" dhe serat.

8. Objekti nr. 32/1 me gjithë territorin përreth.

9. Objekti nr. 42.

10. Grupi i vilave gjermane dhe territori përreth.

11. Magazinat industriale dhe territori përreth.

12. Parku i mjeteve të drejtorisë.

13. berberi dhe kioska industriale.
  14. Shtëpia e Pritjes nr.1 në Dajt dhe territori përreth.
  15. Shtëpia e Pritjes nr.2 në Dajt dhe territori përreth.
- II. Për rrethin e Durrësit
1. Shfuqizuar.
  2. Vila nr. 5 në Plazh Durrës dhe territori përreth.
  3. Vila nr. 6 në Plazh Durrës dhe territori përreth.
  4. Vila nr. 11 në Plazh Durrës e territori përreth.
  5. Vila nr. 13 në Plazh Durrës e territori përreth.
  6. Vila nr. 18/1 në Plazh Durrës dhe territori përreth.
  7. Vila nr. 20 në Plazh Durrës dhe territori përreth.
  8. Vila nr. 23 në Plazh Durrës dhe territori përreth.
  9. Vila nr. 29 në Plazh Durrës dhe territori përreth.
  10. Vila nr. 30 në Plazh Durrës dhe territori përreth.
  11. Restoranti (Stabilimenti i ri).
  12. Kaldaja.
  13. Godina e zyrave.
  14. Godina e reparitit ushtarak.
  15. Sera, mjediset e shërbimit pranë vilës nr. 5 e 23 e territori i gjelbëruar përreth bllokut të vilave.
- III. Për rrethin e Pogradecit e Korçës
1. Vila nr. 1, nr. 2, nr. 3, nr. 4, nr. 5, si dhe territori përreth, brenda rrethimit.
  2. Klubi Pogradec.
  3. Godina e Gardës.
  4. Vila nr. 1. në Korçë e territori përreth.
- IV. Për rrethin e Vlorës
1. Vila nr.1 e territori përreth, përfshirë anekset për plazh.
  2. Vila nr.2 e territori përreth.
  3. Vila nr.6 e nr.9 e territori përreth.
  4. Vila në Dhërmi e territori përreth.
- V. Për rrethin e Shkodrës
1. Shtëpia e Pritjes nr.1 e territori përreth.
  2. Shtëpia e Pritjes në Velipojë e territori përreth.
- VI. Për rrethin e Elbasanit
1. Shtëpia e Pritjes e territori përreth.
- VII. Për rrethin e Lushnjës
1. Shtëpia e Pritjes në Divjakë e territori përreth.
- VIII. Për rrethin e Gjirokastrës
1. Shtëpia e Pritjes e territori përreth.
- IX. Për rrethin e Sarandës
1. Shtëpia e Pritjes e territori përreth.